



IVAN GOLOREJ

Slovenska geodetska struka izgubila je još jednog iskusnog stručnjaka, poznatog i priznatog u užoj i široj domovini te u evropskom prostoru. Isticao se naročito na području fotogrametrije, nove suvremene tehnologije brzog i egzaktnog prikupljanja i obrade podataka za nacрте, karte, registre i druge evidencije geodetske službe.

Kada je Ivan Golorej 13. januara slavio svoj 68. rođendan nismo mogli vjerovati da će ga već 25. januara 1989. slomiti podmukla bolest. Sve do posljednjih dana — kao da još ima pred sobom duge plodonosne godine — zanimao se naročito za dalji razvoj geodetske struke, za nove tehnologije, za razvojne programe, za ustavne dopune.

Fotogrametrijom se počeo baviti već u ranim pedesetim godinama, kada je ona i u Evropi, također, bila u povojima. Usavršavao se na seminarima u inozemstvu, a poznavanje drugih jezika omogućilo mu je praćenje strane literature. Mnoga nova dostignuća i spoznaje, s profinjenim stručnim osjetom, presadio je na domaće tlo. Već šezdesetih godina slovenska geodetska operativna opremljena je modernom tehnologijom i znanjem. Utro je put fotogrametriji, koja je danas u geodetskoj službi nezamjenjiva.

Približno polovinu svog radnog vijeka radio je u neposrednoj geodetskoj operativi, a polovinu u upravnoj službi. Bogato znanje i iskustvo svuda je nesebično prenosio na svoje suradnike, studente i đake. Svi koji smo s njime surađivali, cijenimo ga kako zbog bogatog znanja, tako i zbog posebnih ljudskih vrлина. Svakome je bio prijatelj, svakome je volio pomoći.

Čitavo vrijeme bio je vrlo aktivan član Zveze geodetov Slovenije: dva mandata potpredsjednik, dva predsjednik, a dugo godina član predsjedništva i urednik stručnog glasila Geodetski vestnik. Organizirao je više stručnih savjetovanja na kojima je aktivno učestvovao s referatima. Kao član predsjedništva Saveza geodetskih inženjera i geometara Jugoslavije učestvovao je na više međunarodnih simpozija, konferencija, kongresa, za koje je pripremio nekoliko istaknutih referata.

Neprocjenjive i trajne su njegove zasluge u pripremi višejezičnog geodetskog rječnika, koji je Savez geodetskih inženjera i geometara Jugoslavije objavio 1980. godine. U njemu je nakon višegodišnjeg predanog rada utemeljio slovensko geodetsko stručno nazivlje. Bio je zaslužni član republičke i savezne stručne organizacije, a za svoj rad primio je više priznanja.

Ivan Golorej bio je čovjek koji se nije znao nikome zamjeriti, koji je sa svakim brzo uspostavio kontakt. Pun znanja i iskustva bio je uvijek spreman da pomogne kao stručnjak ali i kao čovjek. Pun izvanrednih stručnih i ljudskih osobina stekao je mnogo prijatelja, koji će ga sačuvati u trajnoj uspomeni.

P. Svetik